

靜嘉堂文庫觀書記

書潛自署



2
011.6
2343

江安傅沅叔先生最近造像

(攝於日本西京)



靜嘉堂文庫觀書記

靜嘉堂文庫觀書記

藏園東游別錄之一

江安傅增湘沅叔

傅沅叔先生昨歲有日本之行遍觀彼國官私藏書
隨手記錄寫成四卷顏曰藏園東游別錄首帝室圖
書寮次內閣文庫次靜嘉堂文庫次尊經閣東洋文
庫東福寺及內藤內野狩野諸家本館以靜嘉堂藏
書爲陸氏誦宋樓故物震耀一世不幸流出海外扁
置秘庫無從窺見常用嘆嗟因乞得手稿先行刊登
以慰吾國人士之渴望其他各卷將嗣以爲請焉

藏園東游別錄序

昔鄰蘇老人隨軺江戶究心經籍由是訪書之志留眞之譜作焉其後澀江島田嗣有撰述博辨廣蒐咸矜創獲流傳中國咸得寓觀因知滄瀛咫尺古籍多存目想神游卅年於茲矣近以蕭辰清暇乘興東游碧嶂丹林致饒勝賞更於其間荷雅故之招延窺琳瑯之珍異自秘閣官邸以逮世家儒門僧寮冷肆具獲討尋疏於短冊雖蓬萊道山未遑遍及而隊編散簡幸得罔羅嘗鼎飲河差爲饜足廻駕燕京會迫歲暮交好聞知踵門垂問扶桑舊侶馳箋交督迺排比積藁稽鏡前聞略事區分躬自寫定第經眼之始迫於晷刻手記多涉疏簡回省復苦微茫於是手記所不盡者則攷諸羣目以證之回省有未晰者則質諸典守以明之適有張君菊生董君綬金先後訪書見詒筆錄因復撮彼所詳補余所略凡口線邊闌刊工字數卷葉完缺尺幅高廣藉有助證咸著於編偶有異同輒附管見倉卒告成慚於問世刊誤糾謬俾免疑大雅宏達庶不余棄嗟夫玉堂寶書邈然天上娜嬛福地猶在人間視彼守護之勤滋我散亡之懼所幸此邦人士通懷樂善孤木佚軼咸付寫眞古槩唐鈔時假錄副實祛障籠之鄙詎厪投紱之懽夫文章公器天壤所珍王道大同遠近若一在宋夷使求書東坡抗議謂使中國書籍山積高麗雲布丹契茲事於國未爲穩便斯則鎖關之見未知通譯之宏且當時方以闌干出物爲虞至後世轉以禮失求野爲幸昔人謂自宋歐陽氏信日本古文之說而後之託安國孝經以暨毛漸三墳豐坊魯詩相繼而出又坊造作古本尙書謂其曾祖得之譯館使際此交親之世寧敢肆悠謬之談乎余茲行也携兒應客經秋涉冬期訪朝衡奮然之流匪抱陳農苗發之願而軒航所戾寶刻紛陳緣茲妮古之懽彌繩同文之誼忘機鷗鳥詭有奇緣相喻螽蟬傳茲老學雖粗記所得不無挂一漏萬之譏而按籍以稽或資舉一反三之益區區之微尙冀中外同志咸諒察焉庚午二月藏園居士傅增湘序

昔同光之交歸安陸存齋觀察以藏書名海內而宋樓所儲二十萬卷匪獨與南瞿北楊爭雄鼎峙且駸駸駕四庫而上之自丁未歲爲日本岩崎氏舶載而東一時動色相告引爲大戚迄今二十餘年紅葉山岡寶庫巍然靜嘉書目流傳萬本而瑤函細帙游客曾不得窺焉余旅居江戶時甫浹旬荷典掌之許挾冊登樓縱觀連日藝海學林望洋興嘆其間得寓目者宋金秘笈約十之七八元明佳槧名鈔異本祇十之二三觀者目炫記之腕脫雖隋珠和璧有識同珍而魚目混珠時復錯出爰就生平見聞証以儀顧題跋略加評隲糾彼疏訛惟是迫於短晷記錄容有未詳行篋無書徵引致多漏失疑耀正楊或有竢於來哲矣藏園居士自序

尙書註疏二十卷

明覆宋本半葉八行每行十五字注雙行二十二字黑口左右雙闌

此與抱經樓藏本同余別見周易兼義兩部亦同此行格左闌外下方有永樂元年刊小字一行則此本亦爲永樂刊無疑矣

詩集傳二十卷

宋刊大字本半葉七行每行十四字注雙行同白口雙闌版心有字數及刊丁姓名避宋諱至鄆字止蓋朱子成書後第一本刊也舊爲袁氏五硯樓藏書後歸陳仲魚仲魚所著綴文定爲後山所刊按此本與北平圖書館所藏內閣殘本同

周禮二卷

宋刊殘本半葉八行每行十六字注雙行二十二字白口左右雙闌版心有字數及刊丁姓名避諱至慎字止存第九第十兩卷單注不附釋文有黃萸圃手跋二則百宋一廬賦所謂周禮一官也每卷有蒙古文方印

按此本字體古勁近柳誠懸極與蜀大字本蘇文忠文定集字相類黃氏定爲蜀大字本洵然

周體二卷

宋刊殘本半葉十一行每行二十三字注雙行同黑口雙闌存第七第八兩卷

按此本刊工款式與余所藏監本纂圖互注禮記同

纂圖互注禮記二十卷禮記舉要圖一卷

宋刊本半葉十一行每行二十一字小字雙行二十五六字不等中版式闌外記篇名卷數葉數避諱至慎字止陸氏曾校過謂可與撫州公庫本相伯仲字畫精澁是建本之最良者

春秋經傳集解三十卷

宋蜀大字本半葉八行每行十七字注雙行二十四字版心有字數及刊工姓名版式橫闊如眉山七史有補版非一次

此本刻工殊草率然字畫古勁有顏平原筆法陸氏定爲蜀本今以周禮互相印證要不誣也

春秋經傳集解十五卷

宋刊本每半葉八行每行十七字存十五卷目列左

卷十 卷十五至二十 卷二十三至三十

按陸氏定爲建大字本以余觀之字體渾健與建州刊工不類殆是江右刊本也

春秋經傳集解三十卷

宋岳氏刊本半葉八行每行十七字注雙行同細黑口左右雙闌每卷末有相臺岳氏刻梓荆溪家塾篆文牌子寫刻皆精存卷十六至三十餘以明翻本配全爲黃堯圃舊藏

按余見嘉定徐氏所藏殘本正與此同每卷後有岳氏家塾木記各式不同楮墨精麗
春秋繁露十七卷

明活字本半葉七行每行十三字版心上方有蘭雪堂三字下有刊工姓名間有活字印行四字黃氏士禮居藏書有跋又有愛日精廬藏印陸氏以漢魏本校過其佳處多與大典本合而字句更有勝於大典本者意其源出于岳珂嘉禾郡齋本也

按此書版式與蘭雪堂活字本蔡中郎集極相類

論語集注十卷孟子集注七卷大學章句一卷或問一卷中庸章句一卷或問一卷

宋刊本半葉七行每行十五字注雙行同版心上方記字數每卷後有音考凡篇章節之首皆加旁抹衍文加圓圍誤字加方圍其他咸有標抹

有毗陵周氏九松迂叟藏書記周良金印各印記又汪魚亭藏印

按此書刊工殊潦草在元本中亦爲下駟斷非宋刊也

四書纂疏二十六卷

元刊本半葉十行每行二十字注雙行每行二十四字季滄葦舊藏

按此刊原出宋本余曾有宋刊論語纂疏極精湛爲毛氏汲古閣舊藏行款正與此同

爾雅疏十卷

宋刊單疏本半葉十五行每行三十字

按陸氏題跋云此書舊有二本一爲士禮居所藏一爲五硯樓所藏中經兵亂世間未必有二日未知此帙爲誰氏所藏然以余所見密韻樓蔣氏藏有一帙爲士禮居舊物則陸氏所得當爲袁氏本也蔣氏本亦是洪武

時官紙所印此本爲元至順官紙所印其印本亦差相類疑爲同時所印行也余更別見一本於江北舊家缺五卷是世間固有三本矣且卷中補版正多或當是元脩明印陸氏謂咸平祖本非其實也

說文解字十五卷

北宋刊本半葉十行每行二十字合大小二十五字補版有重刻二字貞恒字皆不缺筆真宗時刊本王蘭泉司寇舊藏有阮元手跋

此本近已影印行世不更詳記曾見李椒微師有半部余亦藏殘本第六卷

汗簡七卷

舊鈔本後有馮已蒼手跋陸氏定爲馮氏手寫本

按此書筆跡庸俗乃近數十年中鈔胥所傳錄者斷非馮氏手蹟其錢遵王藏印亦僞陸氏殆爲買人所給耳憶已未秋余游淮南聞書估陳韞山言昔年在常熟購得馮已蒼手寫汗簡爲崇禎末年避兵鄉中所書有手跋數行然則馮氏真本固在虞山存齋所得爲膺鼎無疑矣

廣韻五卷

北宋刊本半葉十行每行小字二十至二十八不等白口左右雙闌版心記字數及刊工姓名有島田翰讀書記印

按此帙乃岩崎氏購於本國者非詔宋樓中物也與余藏本正同爲廣韻最早之刊本

廣韻五卷

北宋刊本行款尺寸與前本同第此爲後刊耳姑舉前數葉證之如卷一第七葉東字下注文舜七友三字前本作舜七支此本作舜士支更多誤一字刊工有宋琚方堅王恭方至吳志秦暉沈思忠王玩陸選余敏秦顯

朱玩金滋諸人名與前本無一同者可爲北宋翻刊之一證也

廣韻五卷

元刊本半葉十二行每行大字約十五六小字二十八黑口左右雙闌序後木記兩行如下式

至正丙午菊節

南山書院刊行

攷陸氏跋謂此本雖遜泰定圓沙書院本而視至順庚午敏德堂本建安余氏雙桂堂本皆勝注文未經刪落以時迫不及取勘也

增脩互注禮部韻略五卷

宋刊本半葉十一行每行大字約十四小字二十八九不等細黑口左右雙闌

按此本字體圓渾刊工纖細望而知爲元刊不知陸氏何緣致誤且宋本余曾見兩部版大逾尺許字極疏健與集韻相類

史記九十九卷

宋刊殘本半葉十二行每行二十五字注雙行同白口左右雙闌版心有字數及刊工姓名可辨者有呂祐李几張明李英李良高彥徐喆徐榮宋端徐忠供坦章忠章珍昌彥諸人黃氏士禮居舊藏

按此本向所未見密行細字體格方整而堅實與紹興本通鑑絕相似補版則纖弱矣前後序皆鈔補

史記九十九卷

宋刊殘本半葉十二行每行二十五字版心有字數及刊工姓名避諱至慎字止前有淳熙辛丑耿秉序淳熙丙申張杆序蓋張杆初刻於桐州削去少孫補書耿秉爲郡復以褚書依次補刊集解之後繼以索隱而無正

義此即錢曾王欲求其書不可得者陸氏跋謂校王柯毛本及殿本均有勝處集解索隱糾正尤多洵異書也黃堯圃舊藏而題跋無之百宋一廬賦亦不及豈晚收者耶

存卷如下

本紀卷八至十二 表卷一至三卷六至十 書卷一至四卷六至八 世家卷八至三十 列傳卷一至五十六

漢書八卷

後漢書六十卷

宋刊殘本半葉九行每行十六字白口雙闌版心上記刊工姓名

按此本與北平圖書館所藏內閣殘本同內閣本余曾校過至佳陸氏謂爲紹興初蜀中刊本而孝宗時重修者以余觀之紹興刊本洵然但不類蜀中刊工耳且卷中頗有元修之葉不僅至孝宗而止也海甯孫鳳鈞鈐伯家有後漢書與此正同今歸上海涵芬樓

漢書一百二十卷

宋刊本半葉十四行每行二十七字雙行三十六字不等白口雙闌版心有刊工姓名序例後有紹熙癸丑張孝曾跋淳熙二載黃景升沈綸言跋梅世昌等校正銜名五行慶元戊午梁季琬跋

按此爲紹興湖北鹽茶提舉司刊本重修於淳熙校刊二百二十七板再修於慶元重刊一百七十板此爲慶元初印本古雅精湛紙墨煥發光采照目使人愛不忍釋

後漢書七十三卷

宋刊殘本半葉八行每行十六字注雙行二十一字黑口四周雙蘭左闌有耳記篇名目後有小記三行嘉定

戊辰蔡琪一經堂所刊

按陸氏跋謂蔡琪所刻尙有前漢書吳免床拜經樓藏有列傳十四卷不能指爲何本核其款式疑即蔡本也云云吳氏藏列傳十四卷今歸江南圖書館余曾見之嗣于吳門舊家得十三王傳司馬相如傳兩冊今儲雙鑑樓中刻工方峭大字妍麗然字句舛誤時所不免以云精刻則未可云善本也今嘉業堂劉氏亦藏前後兩書已影刻行世矣。

三國志六十五卷

宋刊本十行十九字注雙行二十一字白口雙闌版心上記字數下記刊工姓名各卷後有衢州錄事參軍監鏤版衢州州學教授陸俊民校正兩行

按陸氏此本亦經元明遞脩者各史中惟三國志無宋刊完帙生平所見非殘缺即人南監補板者惟松江韓氏有巾箱本宋印完整號爲海內孤帙老友曹君直主其家曾手勘一通爲余稱道之

吳志二十卷

宋刊本半葉十四行每行二十五字注大字低一格白口左右雙闌自卷一至十爲上秩卷十一至二十爲下秩首爲上三國志表表後接吳書目錄目錄後有詳校官杜鎬等校勘官錢惟演等銜名別一葉刻咸平六年中書門下牒如下式

中書門下

牒

吳志

牒奉

勅書契云云

靜嘉堂宋庫藏書記

此後列官銜五行無人名

各卷二卷六卷十四卷十八末均有校正人銜名一行

按此本陸氏跋定爲咸平國子監所刻而徽宗時脩補者余諦觀再四其筆法雕工俱極古厚當爲北宋無疑第卷中避諱已至桓字則已駸駸入南渡矣或者咸平原板至高宗時印行于後來廟諱字剔去末筆歟余見宋本書恒有之當非臆測也又世傳魏蜀吳志皆有專刊本吳志百宋一塵賦中所云孤行今旣得見之矣魏志專刊舊聞在海甯孫鈴伯鳳鈞家即世所謂宋版孫者今年九月道出春申江主張菊生前輩家聞涵芬樓新收得孫氏書急索魏志閱之仍爲衢州刊國志之一不覺爽然若失然則所云蜀志單刊在福山王文敏家者蓋可想見矣

晉書一百三十卷

宋刊本半葉十行每行十九字白口左右雙闌避諱至敦字止左闌外有耳記篇名

按此本亦經元明脩補者余亦藏有一帙宋印者四十餘卷中印三十餘卷餘則斷板漫字觸目皆是矣江南圖書館藏北宋刊本爲王弼州故物密行細字精勁異常然余曾校過舛誤滿紙轉不如此本之善也

陳書三十六卷

宋刊本半葉九行每行十八字白口雙闌版心記字數及刊工姓名避諱至慎字止爲明史明古藏書即眉山七史之一也

陸氏志謂此本宋刊宋印絕無脩板余締觀之卷中多有字體圓軟者必爲元代補刊之葉其非宋印明矣余藏宋本南齊書較世行者多二葉咸推爲驚人祕笈然已有元代脩板蓋七史中宋刊元印在今日已爲希覯固不必虛詞以自侈也

北史八十一卷

宋刊殘本半葉十行每行十八字黑口雙闌版心有字數左闌外有耳記篇名避諱至敦字止

按此本字體挺秀而稜角峭厲與余藏百衲通鑑之建大字本酷肖陸氏以毛本校之補正數十條改字至千餘可云善本考各家書目南北史著錄者多爲元本宋本乃絕少見余藏有南史四卷九行十八字宋刊宋印與此書皆海內孤帙也閱者勿以殘缺而忽視之

唐書二百五十卷

北宋嘉祐刊本半葉十四行每行二十五字版心有字數及刊工姓名有景定甲子會稽李安詩手跋

按此書北平圖書館藏殘本與此相同天祿琳琅書目所藏亦同出一板日鈐有李安詩印是李氏當時藏有同式兩本余至昭仁殿點查竟一冊不存不知流落何所吁可慨矣

唐書二百五十五卷

宋刊本半葉十行每行十九字白口雙闌版心有字數及刊工姓名避諱至慎字止

按此本不見有袖版當是宋印其版式行款字體與晉書咸相類當爲同時所刊也

宋史四百九十六卷

元刊本半葉十行每行二十字黑口雙闌

按陸氏跋謂此書元刊元印無一脩板以余觀之則仍是成化中朱英本也元刊半葉十行每行二十二字黑口四周雙闌上記字數下記刊工姓名皆在版心中線之左今北平圖書館有之乃有清兩閣之書友人葉君曾子校過極稱其佳絕

資治通鑑二百二十四卷

北宋刊殘本半葉十一行每行十九字小字雙行版心有字數及刊工姓名本文下間附音義

按此本北平圖書館藏殘本二部爲內閣大庫物行款皆同惟字體一瘦勁一方整皆目爲北宋龍爪本然余觀後本字畫微帶板滯頗疑非北宋本嗣在敝市購得通鑑序二頁乃知實爲元代福建翻蜀本茲錄原序於後以告當世知正文通鑑至元固曾翻雕亦書林之逸話也

書訖而春秋作春秋

絕而通鑑續俯仰數

千年盡在是矣予舊

收蜀本通鑑視江南

諸本爲善惜其今無

存梓也乃命工翻刊

起於至元己丑春迨

辛卯春成士友校讐

謂無訛舛因記歲月

以貽後觀

奉國上將軍福建等

處行尙書省參知政

事魏天祐書于建之

中和堂

後有鉅鹿奉國爵式木記容圓齋木記中和堂方木記葉尾有溫字拾柒號木記一行上鈴禮部評鑑書畫關防闌邊左角有三山邱氏刊一行闌外有解物人沈盛沈茂二行下並有花押當是福建刻成解送至禮部之物也

資治通鑑一百四十九卷

宋刊殘本半葉十一行每行二十一字黑口雙闌

按陸氏題爲北宋刊本實則余百柄通鑑中之大字建本也廓字已缺筆則付雕已在寧宗時矣
資治通鑑二百九十四卷

元刊本半葉十行每行二十字小字雙行同版心有字數及刊工姓名

按此書藏書家多有之然往往失去王磐行書序此本王序尙存自足珍秘第印工尙不及余家藏本之圓湛精勁則爲時略晚然以視明代印本相去天淵矣余于淮南故家曾覩一殘本墨氣濃郁鋒稜畢露更勝余家所藏實爲最初印本其第二百六十三卷有跋語一葉附于卷末爲各本所無特照錄于左以供當世考索焉

七月戊申起寫已酉畫錦樓挈矩之二

子招飲挈矩有宋參知政事攻媿樓公

之曾孫也二樓又招其二兄疆善景嵩

同飲酒邊譚經史言攻媿點句讀數處

殊有新意迨莫而歸庚戌養直於市中

買故紙得一帙書其首編曰匈奴須知

載遼國燕京上京中京東京州縣

道里及官制次日聚米圖經趙珣所上

載陝西及河隴地理事宜又次日蔡襄

侍行錄載侍文使熙河所經見者因觀

之竟日至壬子乃徹卷

趙珣書多言康定間事蔡襄書則元祐六年所紀也

又卷二百六十四末附一行

七月壬子起寫乙卯徹卷

通鑑釋文三十卷

宋刊本半葉十二行每行二十一二字注小字三十板心記大小字數黃氏士禮居舊藏

此書小字刊印頗精惟序後有挖補之跡豈有元時牌子耶

續資治通鑑長編節要一百八卷

宋刊本半葉十三行每行二十三字細黑口版心上記字數宋本存五十一卷餘均影寫補全

按此書起建隆元年迄英宗治平四年凡一百八年爲一百八卷每卷中又分子卷共爲一百七十二卷以大典本核其文約節去十之三志謂李氏初意以此節本配通鑑其說良是然後來傳鈔本皆刪去節要二字與全本混淆莫辨矣原本鐫印工整惜其鈔寫過半不及潘氏滂喜齋之全帙矣余藏有鈔本行款正與此同

皇朝編年綱目備要二十五卷補刊編年備要五卷

宋刊本半葉八行每行十六字注雙行二十四字黑線口雙闌左闌外有耳標篇名此書刊本罕見余所見數本皆屬影鈔

汲冢周書十卷

元刊本半葉十行每行二十字注雙行同版心有字數及刊工姓名前有至正甲午黃玠序及嘉定十五年丁舖序陸氏跋謂至正中劉廷幹取嘉定本覆刊於嘉興學宮黃玠爲之序盧抱經所校卽此本也字撫松雪體的是元刊惜墨色黯澹耳此本極少見

東都事略一百三十卷

宋刊本半葉十二行每行二十四字白口雙欄版心有字數避諱至惇字止

此本配入明刊本過半然原刊中頗有初印精善之卷勝於圖書寮所藏也目錄牌子以翻刊本補入

國語三十一卷

汲古閣影宋大聖本半葉十一行每行十九二十字不等注雙行三十一字鈔楷極爲古雅見汲古閣秘書目士禮居刊本卽從此本出

國語三十一卷補首三卷

宋刊本半葉十行每行二十字小字雙行同版心有字數及刊工姓名

按此本有明脩之葉甚多與余所藏印本相同蓋入南監後所印陸氏謂爲元脩者非也

陸宣公奏議二卷

宋刊殘本存卷五六半葉十二行每行二十二字黃氏士禮居舊藏版心有字數及刊工名避諱至慎字止

按此係婺州刊本版式不大與余所見歐陽文粹南豐文粹字體相同

石林奏議十五卷

宋刊本半葉十行每行二十五字白口雙欄黃氏士禮居舊藏有李中麓藏印

此書版式闊大雕鐫雅雋海內孤帙可寶也。余在燕京市上見影宋鈔本爲汲古閣精寫云借李中麓家藏本影寫精妙絕倫光緒中爲將軍鳳山所得各篇文字有斷爛處孫箋跋中亦有缺字知從此本影寫者然取陸氏翻宋本校之則影本有而刊本無者凡三百三十字刊本有而影本無者凡一千六十四字同出於北宋本且余皆得見之而差異如此殊不可解

晏子春秋八卷

元刊本半葉九行十八字

此書實明刊本余雙鑑樓中有之即孫淵如所藏吳山尊所校者也

新雕名臣紀述老蘇先生事實一卷

宋刊本半葉十四行每行二十二字二十四字不等白口雙闌密行細字頗爲精雅首歐陽脩薦表次歐陽脩撰墓志銘次張方平撰墓表次曾子固哀詞次蒲宗孟祭文次司馬光武陽縣君程氏墓誌銘全帙凡九葉按此書陸志原載極簡略故詳記於此余擬段出影印刊入蜀賢叢書中

歐公本末四卷

宋呂祖謙編宋刊本半葉九行每行十八字版心有字數及刊工姓名避諱至敦字止後有嘉定壬申嚴陵詹又民刻書跋書法秀美體兼歐柳用元延祐官冊紙所印自書錄解題以後不見於著錄真秘笈也

歷代故事十二卷

宋刊本半葉八行每行十六字白口雙闌

據陸氏跋爲楊次山所撰輯次山爲寧宗楊皇后之兄楊皇后撰序次山手寫付刊書法雅秀而兼疏古之意自來目錄所未載可云孤行天壤之秘帙矣